

OKVIRNI SPORAZUM o nabavci usluge štampanja

Zaključen između Sporazumnih strana:

1. UNIVERZITET U SARAJEVU, Obala Kulina bana br. 7/II, 71000 Sarajevo, koga zastupa rektor prof. dr. Rifat Škrijelj (u daljem tekstu: Ugovorni organ)
ID: 4200494560007

i

2. COMESGRAFIKA d. o. o. Beogradska 21, 78000 Banja Luka, koga zastupa direktor Zvonko Savić (u daljem tekstu: Izvršilac)
ID broj: 4400813560006
Broj transakcijskog računa: 5550070003207368
otvoren kod NOVA BANKA A.D. BANJA LUKA

Ovaj Okvirni sporazum se zaključuje na osnovu Odluke broj: 0101-4315-7/17 od 11. 09. 2017. godine o izboru najpovoljnijeg ponuđača, koja je donesena nakon provedenog OTVORENOG POSTUPKA, za koji je dana 04. 07. 2017. godine na Portalu javnih nabavki BiH, objavljeno Obavještenje o nabavci broj: 999-1-2-129-3-24/17.

I. PREDMET OKVIRNOG SPORAZUMA

Član 1.

Predmet ovog Okvirnog sporazuma je nabavka Usluga štampanja za potrebe i po zahtjevu Ugovornog organa, u svemu prema Tenderskoj dokumentaciji broj: 0101-4315-3/17 od 03. 07. 2017. godine (u daljem tekstu: Tenderska dokumentacija Ugovornog organa) i ponudi Izvršioca broj: 127/17 od 24. 07. 2017. godine i ponudi Izvršioca broj: 127/17 od 06. 12. 2017. godine, sa umanjnim jediničnim cijenama i ukupnom cijenom u skladu sa rezultatom uspješno okončane e-aukcije (u daljnjem tekstu: Ponude Izvršioca), koje čine sastavni dio ovog Okvirnog sporazuma.

Član 2.

Na osnovu ovog Okvirnog sporazuma, Sporazumne strane će zaključivati pojedinačne ugovore, a sve u skladu sa zahtjevima iz Tenderske dokumentacije Ugovornog organa i Ponudama Izvršioca.

Član 3.

Vrijednost pojedinačnih ugovora podrazumijeva: vrijednost svake sukcesivne isporuke po jediničnim cijenama iskazanim u ponudi Izvršioca broj: 127/17 od 06. 12. 2017. godine, sačinjenoj nakon uspješno okončane e-aukcije, a sve prema pismenom zahtjevu Ugovornog organa.

II. CIJENA

Član 4.

Ukupna cijena ovog Okvirnog sporazuma prema specificiranim uslugama, količinama i jediničnim cijenama, nakon uspješno okončane e-aukcije iznosi do:

78.865,45 KM bez PDV-a

(slovima: sedamdesetosamhiljadaosamstotinašezdesetpet KM i 45/100),

što sa PDV-om iznosi:

92.272,57 KM sa PDV-om

(slovima: devedesetdvijehiljadedvjestotinesedamdesetdvije KM i 57/100).

Cijene predmetnih usluga obuhvataju sve troškove do isporuke na adresu krajnjeg korisnika. Jedinične cijene predmetnih usluga su umanjene u skladu sa rezultatom uspješno okončane e-aukcije, fiksne su i neće se mijenjati za vrijeme trajanja ovog Okvirnog sporazuma.

III. NAČIN PLAĆANJA

Član 5.

Sporazumne strane su saglasne da će Ugovorni organ vršiti plaćanje predmetnih usluga u roku od 30 (trideset) dana od dana prijema potpisane i ovjerene fakture od strane Izvršioca sa potpisanom otpremnicom za svaku izvršenu sukcesivnu isporuku.

Izvršilac dostavlja fakturu na Pisarnicu Univerziteta u Sarajevu, Obala Kulina bana 7/II, 71 000 Sarajevo.

Plaćanje se vrši po dospijeću na transakcijski račun Izvršioca.

IV. MJESTO ISPORUKE

Član 6.

Mjesto isporuke predmetne robe je na adresi podorganizacionih jedinica Ugovornog organa:

- Rektorat, Obala Kulina bana 7/II, Sarajevo,
- Centar za interdisciplinarnе studije (CIS), Zmaja od Bosne bb, (Objekat 33), Kampus, Sarajevo;
- Univerzitetski tele-informatički centar (UTIC), Zmaja od Bosne bb (Objekat 33), Kampus, Sarajevo.

V. ROK I NAČIN IZVRŠENJA

Član 7.

Izvršilac se obavezuje da će predmetne usluge vršiti sukcesivno u skladu sa potrebama Ugovornog organa, a sve u skladu sa uslovima iz Tenderske dokumentacije Ugovornog organa i Ponudama Izvršioca.

Rok za isporuku materijala manjeg obima (pozivnice, letci, memorandumi, vizit karte i sl.) iznosi 24 (dvadesetčetiri) sata, a najkasnije 3 (tri) dana od dana prijema svake pojedinačne narudžbe od strane Ugovornog organa i usaglašavanja pripreme za štampu.

Rok za isporuku materijala većeg obima iznosi 15 (petnaest) dana od dana prijema svake pojedinačne narudžbe od strane Ugovornog organa i usaglašavanja pripreme za štampu.

Kao dokaz izvršene isporuke Izvršilac je dužan uz račun priložiti otpremnicu, koja mora biti potpisana od predstavnika Ugovornog organa i Izvršioca.

U slučaju da Izvršilac isporuči robu koja nije u skladu sa zahtjevom iz Tenderske dokumentacije Ugovornog organa i Ponudama Izvršioca ili predstavnici Ugovornog organa utvrde da je roba oštećena, Ugovorni organ će odbiti prijem takve robe, istu staviti na raspolaganje Izvršiocu, te zahtijevati od Izvršioca da u roku od 24 (dvadesetčetiri) sata isporuči robu bez nedostataka.

Ukoliko Izvršilac u ostavljenom roku ne isporuči robu bez nedostataka, odnosno nedostatke ne otkloni, Ugovorni organ ima pravo da raskine ovaj Okvirni sporazum i zahtijeva naknadu štete.

VI. OBAVEZE UGOVORNOG ORGANA

Član 8.

Ugovorni organ se obavezuje da:

- odredi Izvršiocu termin za svaku sukcesivnu isporuku predmeta nabavke;
- izvrši pregled i preuzimanje isporučenog predmeta nabavke, bez nedostataka;
- uredno vrši plaćanje računa po sukcesivnim isporakama, u skladu sa članom 5. ovog Okvirnog sporazuma;
- dostavi Izvršiocu u elektronskoj formi na CD-u, kompletnu tehničku pripremu sa dizajniranim rješenjem za stavke kako je navedeno u Obrascu za cijenu ponude-PRILOG II Tenderske dokumentacije Ugovornog organa.

VII. OBAVEZE IZVRŠIOCA

Član 9.

Izvršilac se obavezuje da:

- izvršiti sve radnje neophodne da roba bude spremna za prijem kao što su: pakovanje, otprema, utovar, osiguranje, obavljanje svih neophodnih administrativnih i komercijalnih formalnosti, te prevoz i istovar na mjestu isporuke i sve druge usluge u smislu pripreme robe za prijem na njeno odredište;
- snosi sve rizike do konačnog prijema robe na krajnjem odredištu;
- da za stavke navedene u Obrascu za cijenu ponude dostavi Ugovornom organu jedan probni primjerak;
- izvrši isporuku predmeta nabavke, na mjestu i u roku utvrđenom ovim Okvirnim sporazumom;
- kvalitetno i uredno izvrši ovaj Okvirni sporazum u skladu sa nalogima Ugovornog organa, važećim propisima, pravilima i standardima struke za predmetnu oblast, štiti prava i interese Ugovornog organa, te ga obavještava o toku realizacije Okvirnog sporazuma;
- riješi eventualne reklamacije Ugovornog organa potpisane od strane ovlaštenog predstavnika Ugovornog organa;
- ispostavi fakturu za isporučenu robu.

VIII. TRAJANJE OKVIRNOG SPORAZUMA

Član 10.

Ovaj Okvirni sporazum se zaključuje na period od 1 (jedne) godine.

IX. RASKID OKVIRNOG SPORAZUMA

Član 11.

Ugovorni organ ima pravo jednostranog raskida ovog Okvirnog sporazuma i zadržati pravo na naknadu prouzrokovane štete, ukoliko se Izvršilac ne pridržava odredaba ovog Okvirnog sporazuma, kao i u slijedećim slučajevima:

1. ukoliko Izvršilac ne izvršava usluge u ugovorenom roku, a koje nisu rezultat kašnjenja preuzetih obaveza Ugovornog organa;
2. ako kvalitet usluga ne odgovara ugovorenim;
3. ukoliko Izvršilac ne otkloni nedostatke po primjedbama Ugovornog organa;
4. ako Izvršilac iz bilo kojeg razloga izuzev više sile, dođe u situaciju da ne može izvršiti predmetne usluge;
5. ako Izvršilac fakturiše izvršene usluge po cijenama različitim od jediničnih cijena iskazanih u ponudi Izvršioca broj: 127/17 od 06. 12. 2017. godine, sačinjenoj nakon uspješno okončane e-aukcije.

Obavijest o jednostranom raskidu ovog Okvirnog sporazuma mora se dostaviti drugoj Sporazumnoj strani isključivo u pismenom obliku uz obavezno navođenje razloga raskida Okvirnog sporazuma.

Otkazni rok iznosi 15 (petnaest) dana.

U slučaju raskida ovog Okvirnog sporazuma, Sporazumne strane su saglasne da će u svemu izvršiti međusobne uzajamne obaveze nastale do tog roka.

X. POVJERLJIVE INFORMACIJE

Član 12.

Sporazumne strane su saglasne da sve informacije koje Izvršilac sazna u vezi sa izvršenjem predmetnih usluga, imaju status povjerljivih poslovnih informacija i neće biti ni pod kojim uslovima saopštavane trećim licima, izuzev uz pisanu saglasnost Ugovornog organa.

XI. ZAVRŠNE ODREDBE

Član 13.

U skladu sa članom 72. stav (6) Zakona o javnim nabavkama BiH, Izvršilac nema pravo zapošljavati, u svrhu izvršenja ugovora o javnoj nabavci, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala komisija za nabavke, najmanje 6 (šest) mjeseci po zaključenju ovog Okvirnog sporazuma, odnosno od početka realizacije ovog Okvirnog sporazuma.

Član 14.

Sporazumne strane su saglasne da se na sve međusobne odnose koji nisu definisani ovim Okvirnim sporazumom, a budu od značaja za implementaciju istog, neposredno primjenjuju odredbe Zakona o obligacionim odnosima.

Član 15.

Sporazumne strane su saglasne da sve eventualne sporove do kojih može doći u realizaciji ovog Okvirnog sporazuma, rješavaju sporazumno, a u slučaju da sporazum nije moguć, ugovora se nadležnost stvarno nadležnog suda u Sarajevu.

Član 16.

Ovaj Okvirni sporazum stupa na snagu kada ga potpišu i ovjere ovlašteni predstavnici Sporazumnih strana.


Datum kasnijeg potpisivanja, smatra sa datumom stupanja na snagu ovog Okvirnog sporazuma.

Član 17.

Ovaj Okvirni sporazum je sačinjen u 4 (četiri) istovjetna primjerka, od kojih po 2 (dva) primjerka zadržava svaka Sporazumna strana.

ZA UGOVORNI ORGAN

Rektor



Prof. dr. Rifat Škrijelj



ZA IZVRŠIOCA

Direktor

Zvonko Savić

Broj: 0101-4315-12/17

Sarajevo, 19.12.17

Broj: 1203/2017

Datum, 19.12.2017